

FAU – LUSTER UNGDOMSSKULE

MØTEREFERAT – møte nr. 3/2015

Tid: Onsdag 3.6.2015 kl. 1900

Stad: Luster Ungdomsskule

Referent: Magne Straumstein

Til stades: Odd Bukve, Tore Sviggum, Tanja Fiskaa Haugen, Ann Iren Falkgjerdet, Marita Joranger, Vibeke Ødegård, Eli Moen, Magne Straumstein. I tillegg Knut Åge Teigen (leiar oppvekst Lu kommune) og Linda Øvregard Røhme (rektor Gaupne skule).

SAK 1 – FOVEA skulefoto

Odd Bukve har vore i dialog med FOVEA vedrørende deira bestillingsrutinar. Det virkar ikkje som det er lett å få endra på desse rutinane. Rektor skal ha ny samtale i løpet av veka.

FAU har bestemt at skulen avventar med å gjera avtale med FOVEA for hausten 2015. Temaet blir teken opp til vurdering ved fyrste FAU-møte til hausten.

SAK 2 – Besøk av MIA BØRJESSON

Tilbakemeldingane frå elevar, føresette og andre er utelukkande positive etter besøket av Mia Børjesson. Ho klarte å engasjera tilhøyrarane på ein god måte. Ho snakka lettfatteleg, og brukte gode og levande illustrasjonar. Sjølv sagt kunne FAU tenkt seg eit større frammøte av føresette under foredraget på Hafslo, men alt i alt er me godt nøgde.

SAK 3 – KLATREPARKEN

Linda Ø. Røhme orientert kort om klatreparken. Bygdelaget har teke på seg det formelle ansvaret for klatreparken. Det har vore noko uklar kommunikasjon mellom kommunen og bygdelaget i samband med etablering og framdrift. Difor er det behov for eit oppklaringsmøte som vil finna stad primo juni. Det er ynskjeleg at vedlikehaldet blir lagt til kommunen/vaktmeisterenesta, og at bygdelaget stiller på dugnad. Det er viktig med avklaring innan 15. juni i forhold til tildeling av tippemidlar. Klatreparken er tenkt plassert framfor Lustrabadet.

Odd Bukve fortalde at midlane som skulen fekk frå Lu Sparebank er plassert i fond i påvente av bruk.

SAK 4 – ORIENTERING NY SKULESTRUKTUR OG NY LEIING (SU til stades)

Knut Åge Teigen og Linda Ø. Røhme orienterte om den nye organiseringa ved skulen. Tore Sviggum går av med AFP til sommaren og Odd Bukve går over i lærarstilling frå hausten 2015. Det er difor behov for ny leiing ved skulen. Sidan den framtidige strukturen ved skulen ikkje er avgjort, så blir Linda Ø. Røhme mellombels konstituert som rektor for både Gaupne skule og Luster Ungdomsskule. I tillegg er det tilsett ass. rektor i hundre prosent stilling ved skulen. Ho blir den som skal ha det daglege ansvaret. Konstituert rektor og ass. rektor vil i tida fram til skulestart hausten 2015 jobba med å utarbeida klare rolle-, ansvars- og arbeidsfordeling dei i mellom.

Teigen informerte også om at formannskapet før jul bestemte at det skulle setjast ned ei gruppe som skulle sjå på mogelegheitene til å slå saman Gaupne skule og Luster Ungdomsskule som ein 1-10 skule. Dette arbeidet pågår no og det er venta å bli tatt opp i kommunestyret til vinteren att. Kva utfallet av saka blir, er altså endå ikkje klarlagt. Det er lagt opp til ein brei prosess.